

I. N. D.

3

A E R

VITÆ ET SANITATIS
MODERATOR

AUXILIANTE DIVINA GRATIA

Sub

PRÆSIDIO

DN. JOHANNIS BOECLERI

Med. & Phil. Dr. Botan. atque Chym.

Prof. Publ. Ord. Capit. Thoman.

Canon.

Solenni Eruditorum Examini

D. 21. Octobr. Anno M. DCC XXI.

Horis locoque consuetis

Subjicietur propugnabiturq;

à

BERNHARDO JOSEPHO FELS

Selestadiensis, Authore.



ARGENTINÆ,

Typis Viduæ MICHAELIS STORCKII. Typogr.

DEO
PATRIÆ
FAUTORIBUS
ATQUE
AMICIS.



PROOEMIUM

VITAM & Sanitatem à sex rebus non naturalibus pendere nemo sanæ mentis hæcenus dubitavit. Enim vero quod unquam animal spirare visum sine spiritu ? ali sine alimento ? sine motu moveri atque à putredine præservari ? Cum

Ignavum corrumpant otia corpus

Et capiant vitium nî moveantur aquæ.

Quod unquam animal conservari diu, durare atque refici visum, sine præsentissimo lassitudinis remedio, quiete ? quod idem poëta testatur non minus

A

venustè

vènuſtè quam veritati conſonè occi-
nens :

*Quod caret alterna requie durabile non
eſt ;*

Hæc reparat vires feſſaq; membra levat.
Et alibi

*Otia corpus alunt , animus quoque paſ-
citur illis ,*

Immodicus, contra, carpit utrûmq; labor.

Quod unquam fuit animalis corpus ſine ſomno ſalvum? cum teſtante *GAL. Lib. XII. meth. med. per ſomnum pernicioſæ corporis cruditates averruncantur , debilitata cujuſvis partis virtus inſtauretur , univerſi Corporis partes , competente alimento nutriantur & reſiccata humectentur , curæ & ſollicitudines ſopiantur , reliqua cerebri affectiones demantur , omnes dolores ex quacunque cauſarum ferocia nati , beneficio ſomni leniantur . Ut hoc modo veriſſimum ſit illud Menandri , dicentis : Somnus eſt corporis ſalus . Quia
nimi-*

nimirum æstuantem in febribus malig-
nis sanguinis ardorem reprimat, docente
HIPPOCRATE Lib. de flat. ubi inquit:
*cùm Corpus somnus invaserit, sanguis fri-
gescit : quia à natura somno frigesfaciendi
vis inest.* Dolores corporis mitigat
somnia, illud insensibile & quasi mor-
tuum reddendo ; cui affectui non ineptè
applicari potest illud *VIRGILII 6. Ænei-
dos*, dicentis :

*Dulcis & alta quies placidaque simili-
ma morti.*

Neque tamen præferenda somni præ-
stantia vigiliæ necessitati, quippè quæ
languentes corporis sensus excitat, vires
ad obeundas functiones disponit, immi-
nutum stomachi appetitum resuscitat,
viscerum calorem intendit & auget, su-
perfluam humorum mephitim per al-
vum, sudorem, urinam reliquosq; ductus
& vias, à natura huic actioni destinatas
ejicit. Hinc *PLATO 3. de legibus in-*

quit : quicumque vivere & sapere cupit,
 maxime quàm longissimo tempore vigilet,
 sola sanitatis commoditate servata, id est,
 diutius vigilare quam dormire præstat,
 ita tamen, ut somni & vigiliæ modus
 fervetur, sitque vigilia moderata, & sani-
 tatis conservativa. Nam somnus & vi-
 gilia utraque, si modum excefferint,
 malum, juxta *HIPPOCRATEM aphor.*
3. sect. 2. Sed ne quamlibet sex rerum
 non naturalium percurrens, à scopo
 meo aberrare remque mihi non deman-
 datam suscipere videar, Excretorum &
 Retentorum summum in conservanda
 vita & sanitate fore usum, moderatos
 quoque animi affectus, sive pathemata
 ad inconcussæ valetudinis ac longioris
 vitæ consecutionem non parum contri-
 buere, cuilibet benevolo Lectori relin-
 quo judicandum : Hic tantum *Æ-*
R E M inter sex res non naturales
PRINCIPEM TENERE LOCUM,
COE-

CÆTERIS MAGIS NECES-
SARIUM, UT ET VITÆ SANI-
TATISQUE MODERATOREM
ESSE PRÆSTANTISSIMUM
pro ingenii modulo præsentī hac Differ-
tatiuncula demonstrabo.

§. I.

AEREM, fluidum istud vastissimum, globum
terraqueum undiquaque cingens cum con-
juncto sibi æthere, Vitæ & Sanitatis moderato-
rem, interque Sanitatis conservandæ capita & de-
creta longè saluberrimum maximèque necessarium
fore, ex hoc vel maximè elucescit, quod HIPPO-
CRAT. L. de Flat. dicit : *tantam omnibus corporibus
spiritus, id est, Aëris inesse necessitatem, ut, quam-
vis aliis omnibus & cibis & potibus quis abstineat,
duos tamen & tres, iisque plures dies vitam ducere
possit. At si quis spiritus, i. e. Aëris, in corpus vias
intercipiat, vel exigua diei particula sit pereundum.*
Ab hoc quasi filo tota præcipuè hominis vita pen-
det, deme hunc spiritum eodem ipso actu & ip-
sam tolles hominis vitam. Tamdiu enim vivimus,
quamdiu spiramus & respiramus animabilem illam
spirabilemque naturam, **AEREM**, qui pro diver-
sitate qualitatū diversos reddit animalium hu-

mores, quippe serenus, tenuis & temperatus aër humores nostros collustrat, attenuat, corpus pervadens raritate diffundit, suscitatoque calore appetentiam, concoctionem, chyli elaborationem, sanguinis nutritionem, augmentum & depurationem procurat, praesertim si omni inquinamentorum infectione caruerit, si tetro stagnorum, paludum, imbrium cadaverumque halitu non conspurcatus, si ex profundo antro pestilentem auram spirante non infectus, si lenibus suaviterque spirantium ventorum flatibus agitatus, & salubri non rarò pluvia irrigatus fuerit. Hic enim per inspirationem non vacui quidem aut fuga aut metu fictitio, sed propria gravitate in pulmones dilatatos irruens omnibus naturis sanus & conducens, à *GALENO Lib. I. de Sanitate tuenda* dicitur. Unde non ineptè *OVIDIUS* olim cecinit :

Temperie cæli corpusque animusque juvatur.

Maximè cum aëris salubrioris in inspiratione in pulmones illapsi tanta vis sit & facultas, ut optime fervetur

mens sana in corpore sano.

Plurimos quippè eosque innumeros ferè in dirigendis, conservandisque haud paucis animalis actionibus præstat usus : Dum enim expanso thoracis fornice in dilatatos aër irruit pulmones, subtilissima illius portio, cellulosam atque vesiculosam horum substantiam permeans, quoad partem massam init sanguineam, hujus motum intestinum

testinum efficit, præterea circularem seu progres-
sivum promovet atque auget; temperatum san-
guini calorem, floriditatem conciliat atque flui-
ditatem; Chyli per vasa lactea, Lymphæ per lym-
phatica, fluxum adjuvat, secretionibus ritè perfi-
ciendis, humoribusque à particulis effœtis inutili-
busque liberandis inservit; In omne corpus
promptè penetrans *AER* caloris si cum veteribus
loqui velimus nativum pabulum agit, quo fine nec
sanitas conservari integrè, nec morbus tutò pro-
fligari, imò ne quidem vitam agere homo potest.
Hæc *AERIS* constitutio corpus in vigore conser-
vat, ob suam amœnitatem & puritatem homines
reddit venustiores, benigniores, majores, quandoque
tamen etiam effœminatiores: quales *HIPPOCRA-
TES* esse ait Asianos. In ipsis Europæ nostræ in-
colis certè deprehendimus quod ob cœli diver-
sitate magnitudine corporis varii existant & diffe-
rentes, audaces & robusti; quamvis hic non exigua
quoque sit victus varii & discrepantis vis. Quare
non abs re gravissimi & sapientissimi authores
posteritati reliquerunt, pro vario cœlo multifariam
hominum naturam, mores, & morbos, numero-
sam plantarum, animaliumque prolem, ut & steri-
litate atque fertilitate immutari: Siquidem
AER ambiens, etiam nobis invitis, ad corporis
tutelam hauriendus, corpus nostrum vel conservat,
vel tuetur, si temperatus & bonæ qualitatis, vel id
labefactat & immutat, si substantia vitiatus est &
im-

immoderatæ qualitatis ; quod ultimum sequenti paragrapho prolixius sum expositurus : priusquam autem eundem aggredior, aëris dominium, quod in externos corporis sensus totam structuram venustantes obrinet, paucis hîc commemoro. Quippè sine *AERIS PELLUCIDI TRANSPARENTISQUE* existentia, nos averno natos, filiosque tenebrarum fore arbitraremur : sine eo enim, utpote visionis medio, lux nos lateret, sine eo nec mirabilem mundi hujus aspectabilis fabricam suspicere, nec uniformem cœlorum siderumque cursum mirari, nec constantem tempestatum & temporum successionem, incredibilem elementorum licet oppositorum concordiam, exquisitam partium omnium conjunctionem, artificiosam humani corporis compositionem, organorumque structuram possemus considerare, cum sine eo oculos habentes cæci tamen oculisque privati mundum intrasse nobis ipsis (supposita aëris globulos cœlestes ætheremque in sinu vehentis tanquam medii ad videndum non existentia) videremur. Sine *AERE* verbum Dei, nobilis eloquentia, amabilis musica, vox omnis, sonus omnis nos lateret, sicque aures ut ritè dispositas habentes non audiremus, sublato scilicet auditus medio, *AERE* ; & cum, qui surdi nati, ut plurimum sint & muti, cum nullum idioma norint, nos quoque mutos, denegato ab absente aëre auditu, æstimabimus. Frustranea denique forent corporum odoriferorum effluvia atque corpuscula

emanantia, utpote quæ organum olfactus ut ut ritè dispositum & comparatum afficere non valerent; Sine *AERE*, ut paucis multa complectar, artificiosa cùm mundi tum corporis animati machina, nullius fere foret momenti. Sed cum hæc propriè mei fori non sint, hinc oppositam temperato aëri qualitatem expositurus paragraphum secundum aggredior.

§. II.

Quemadmodum, scilicet, serenus, tenuis, & temperatus *AER* puritate sua atque temperie innumera affert commoda, ita è contrario *AER* impurus non pauciora, impuritate suâ atque malignitate gignit incommoda. Cor enim *IMPURUS AER* alterat, cerebrum perturbat; turbidus tristitiam, ignaviam & somnolentiam inducit: malignitate & foetore infectus violenter humidum ex veterum mente radicale depopulatur, calorem nativum in eo residentem in furorem adigit, ut in febribus malignis & pestilentibus contingere solitum. Qui infurorem actus eodem prorsus modo ad totius destructionem concurrit, quo in statu sibi naturaliter debito ad omnium actionum integritatem & totius conservationem concurrebat; inducendo cordis anxietatem, sitim, capitis dolores, vigilias, deliria, linguæ ariditatem & alia sexcenta

mala, stimulante malignitate per aërem communicata, in corporis ruinam vergentia. Ut autem ordine cuncta procedant, diversas diversarum *AERIS* intemperati qualitatum noxas recenseo; initium ducendo ab *AERE FRIGIDIORE*, tam per inspirationem in corpus irruente, quàm externos corporis limites ambiente. Hic temperatum cordis calorem refrigerat, humores increffat atque condensat, morbos parit sic dictos frigidos, diuturnos, nervis, ossibus & pulmonibus apprimè nocentes: per nares migrans varia fluxionum genera excitat: fauces potentius intrans anginas columellæ & tonsillarum varias affectiones inducit: in aures irruens, producit earundem sibilum & tinnitum, humores ibidem hospitantes increffando; auditum impedit & obauditiones generat, in oculis fluxiones & lippitudines elicit: pectus penetrans, tusses, ejusdemque oppressiones producit: in intestinis diarrhœas & alvi fluxus, in pedibus & manibus ad chiragram & podagram exacerbendam contribuit ut & ad nervorum impotentias atque dolores varios, pro humoris ad diversas partes fluentis varietate. Externos limites ambiens frigidior aër cutis meatus & spiracula densat, occludit, putrilaginosorumque humorum effluxum impedit & transpirationem (ut placet *GALENO Lib. X. meth. Med.*) supprimit, quam sequuntur sanguinis putredines, inflammationes, scabies &c. Frigidior aërem sequitur *AER HUMIDIOR*, à cujus natura quis est qui non
ab-

abhorreat? quippe qui corpora præter modum humectando teporem inducit, ingenii gravitatem & stupiditatem, vehementes oculorum fluxiones & catarrhos concitat, ita, ut aërem humidiores ad pituitæ generationem plurimum facere sit infallibile, quod docet *GALENUS in Comment. Aphor. II. Sect. 3.* inquit: *morbi pluviosis temporibus fere fiunt febres longæ, alvi fluores & putredines.* Idem docet *HIPPOCRATES Aphor. XVI. Sect. 3.* inquit: *continuis imbribus morbi ferè fiunt, febres longæ, fluxiones alvi, putredines, epilepsiæ, apoplexiæ, anginæ &c.* Ita revera est, quod excrementum pituitosum in cerebri ventriculis natum & congregatum magnas offensiones inducat, cerebri intemperiem non solum miris modis alterando & immutando, sed etiam ventriculi robur dissolvendo ejusque facultates insigniter infringendo: imò violentius irrumpendo subitanæ mortis causa esse potest. Non minora affert incommoda *AER SICCIOR*; etenim, licet nonnullis corporibus siccior hæc aëris constitutio clementior esse videatur, in quantum nimirum exsiccano copiosiores absumit humores, nihilo tamen minus teste *HIPPOCRATE naturis quoque maxima damna inferre potest; quia corpora densat, exsiccatur, ad phthisin, & potissimum ad ulcera pulmonum disponit, ophthalmias, articulorum dolores, urinæ & intestinorum difficultates affert; vid. Aphor. XVI. Sect. 3.* Quales similes effectus & plures alios producit quoque *AER CALIDIOR*. Nunc ad

AEREM MALIGNUM PESTILENTIQUE QUALITATE INFECTUM, contagiosorum sæpius gravissimorumque morborum ipsissimum seminarium, devenio : hic beneficio respirationis in pulmones irruens cor invadit, citò multos interimens, passimque per expirationem & inspirationem in vulgus involans, interdum multas peragrans regiones, frequentius unam, sæpè unicum oppidum vel etiam domum, quamvis frequenti pestiferorum halituum exspiratione transpirationeque tandem accidit, ut aër totius urbis vel oppidi evadat venenatus. Sæpè, si fides historiis habenda est aut haberi potest, delitescit includiturque linteis, lanæ, indumentis, panis, nec rarò locis obscuris & minimè patentibus inesse solet, quin imò idem litteris inclusus è regione in regionem ferri asseritur. Quippe habetur ex historiis, ex arcula, in templo quodam Græciæ spe thesauri inveniendi à quibusdam perfracta, latens evolasse venenum totamque fere Græciam infecisse. Scribit *BENED. ALEX.* tempore patris sui, tegumentum, in quo venenum fuisset suspicio erat, in abdidiore quodam loco fuisse repositum, & post septimum annum expromptum, probeque ventilatum, uni ex servis pro tegimine impositum mortem accelerasse, multosque alios infecisse. Quæ similiaque exempla illud utique patefaciunt, quod venenum etiam extra corpus humanum possit subsistere, contagioneque ac mutua communitate contaminare, ab ea parte primum
qua

qua fit contactus, id quod quoque asserere audeo, contra omnes illos qui pestem per aërem communicari posse absolutissime negant.

§. III.

AMplissimus sese hic adaperiret campus in pestis pestilentialisque, uti loquuntur, contagii naturam inquirendi, verum quum Herculeo labori tyronis manus non sufficiant, paucissimis me extricabo. Varia pestis esse genera, variisque à causis dependere nemo facile ibit inficias; In hac peste sanguinis massam quoad totam quasi suam substantiam ab invicem diremptam & per putredinem seu corruptionem totalem resolutam planè deprehendes; In illa è contrario sanguinem in coagulum abiisse perspicies. Hanc pestem in ipsis animalium corporibus exortam, illam originem suam à causa extra corpus latitante hausisse experieris. Et certè, quod detur pestis genus quod in animantibus ipsis possit progigni, vel exinde, quod multos alios stupendos in iisdem prognasce morbos experientia quotidiana declaret, patescit; Id quod etiam multi jam diu agnoverunt. Posset & hæc res uberius exponi, nisi jam satis nuper illustrata fuisset ab *ILLUSTRI ARTIS MAGISTRO D.^{no} D.^{re} MAUGUE CONSILIARIO & MEDICO REGIO NOSOCOMIORUMQUE in ALSATIA REGIORUM INSPECTORE LONGE*
CE.

CELEBERRIMO in elegantissimis literis, Gallico idiomate conscriptis, nuperrimè modò editis, quibus aliquid addere idem esset ac soli lumen velle affundere : mihi unicè propositum est verba quædam de isto pestis genere, cujus causam in ipso unicè aëre latitare volunt, facere. Differentes autem & hic rursus deprehendimus Authorum opiniones: sunt qui ab astris corrumpi *aërem* volunt & quidem vel cum fiunt conjunctiones magnæ, ut Saturni, Jovis & Martis, sicut anno 1604. in sagittario, vel cum plures stellæ tam fixæ quam erraticæ soli conjunguntur; cumulatur enim & intenditur, uti asserunt, calor illis locis & populis, ad quos conjunctio spectat; vel cum Virtus Cœlestis fortis agens in virtutes patientes terrestres aërem sensibilibiter immutat & alterat, nunc in naturam & statum sibi homogeneum, cum naturalis temporis Caliditas mutatur in Caliditatem vehementem, nunc heterogeneum & oppositum, ut si æstas mutetur in frigiditatem & humiditatem lædentem & contra communem naturæ cursum; quorū trahunt illud, quod ejusmodi mutationes temporum si magnæ fuerint & subitæ, vehementes pariant morbos, & quandoque mortem. A subitâ enim mutatione qualitatū activarum, ut cum antiquis etiam loquar Physicis, vehementer imprimendum, ut Caliditatis in æstate, frigiditatis in hyeme, mortem infirmis aliquando accidisse, & etiam nunc accidere posse probabile est. Causæ
autem

autem à quibus *AER* promptius corrumpi solet sunt vapores halitusve varii etiam maligni è terræ quibusdam cavernis & aperturis expirantes exhalantesque tum etiam foedæ hominum & animalium strages, aquarum stagnantium & putridarum corruptela, tetraque & contagiosa aliarum rerum putrescentium evaporatio, ut ex pecorum stabulis & Cloacis, tum animalibus etiam quibusdam venenosis. Exemplo esse possunt, si vera est historia, *duo Dracones isti tempore Philippi Regis Macedoniae inter duos Armeniae montes, viam diu à multis salubriter tritam ita inscientes, ut transeuntes illicò & subito è medio tollerentur; accersitus à Rege Socrates, ut infectionis hujus contagiosae causam diceret, jussit ædificium altum erigi juxta montes fecitque speculum, ut ad illud ex omni parte montium fieret reflexio & reverberatio, ex qua radiatura catoptrica apparuerunt in speculo species draconum diductis apertisque faucibus ex adverso se aspicientium aërem intermedium oris ventrisque ipsorum halitu vitiantium, quibus postea jussu Regis interemptis factum est, ut locus ille ex subita transeuntium internecione nomen non amplius ceperit, memoriaque hac funerea privatus fuerit, prouti hoc ipsum recenset GOCCLENIUS in tractatu de proroganda vita.*

§. I V.

QUID autem ejusmodi effluvia in aërem emissa & cum eodem in corpus resorpta valeant quosque effectus haud raro lethales edant, satis sufficienterque loquuntur tristitia mortalium, vel à musto fermentescente vel à gas carbonum, ut Helmontii verbis utar, subito sapissime interemptorum exempla. Nunc enim vel Glauberus aliquis in Laboratorio Chymico, nimium quam par est clauso, apoplecticus cadit, nunc auri sacra fame impulsus, thesauros fodientes à furno carbonum suffocantur & ante obitum tam miris motibus torquentur, ut crederes postea, à malo genio fuisse enectos, nunc famuli famulæque in conclavibus occlusis carbones nimium quam par est detinendo, è vita tolluntur, ne multa dicam de iis qui animam in cellis non bene apertis, ubi ingens musti fermentescentis copia asservabatur, efflarunt. Quidni igitur aër refertus effluviis pestilentialibus insignem stragem edere queat. Quæ dum dico, non eo explicanda sunt, ac si alias pestium causas, & inter eas etiam ipsum terrorem mortisque horrorem excludam, nam longe aliter me sentire jam ex superioribus patet.

§. V.

SED redeundum ad aërem tum salubrem tum malignum. Vidimus hætenus eundem vere sanitati vitæque hominis dominari, hunc quidem varias, pro varia sui malignaque mutatione, noxas corpori inducendo, illum è contra salubritate sua corporis actiones in statu integritatis conservando; hunc venenata infectaque malignis vaporibus natura totam fabricam animale[m] inficiendo, illum vitæ & sanitatis pabulum agendo, hunc qualitate contagiosa præditum vim atque violentiam activitati animalis inferendo, illum eandem activitatem fovendo, restaurando & perficiendo. Patet hinc, ni fallor, eodem ferè modo vitam & sanitatem hominis ab *AERE* dirigi, quo dirigitur *BAROMETRUM, THERMOMETRUM & HYGROMETRUM*; Uti enim hæc instrumenta pro variis mutationibus *AERIS* variè sese habent, ita etiam ad quamlibet fere *AERIS* mutationem aliter atque aliter vita hominis procedit atque sanitas; Barometrum hac vice tantum lustremus, uti enim Mercurius in Barometro tempore nubilo aëreque opacato non notabiliter elevatur, ita nec humores in corpore animato rarefiunt atque exaltantur, sed potius incrascantur, densantur atque inspissantur, uti aëre sereno atque lucido Mercurius elevatur atque ad summos ascendit subinde gradus, ita humores in corpore

animato, aëre sereno atque pellucido collustrantur, rarefiunt atque attenuantur, aër serenus homines serena facie induit alacresque reddit, contrarius tristitiam lassitudinemque inducit. Probabile autem admodum est hujus Barometri animalis directionem potissimum Respirationis ope & auxilio, ut & organorum Respirationi à natura dicatorum atque ordinatorum contingere; quod quidem negotium, ut clarius elucescat, hic respirationem paucis perlustrare juvabit, quo hæc dissertatio non tam prolixior quàm clarior reddatur. Itaque de Respiratione dicturus, natura methodum indicante, ab inspiratione incipiam.

§. VI.

NEminem hætenùs latuit *AEREM* in inspiratione in pectus dilatatum irruere, pulmonesque inflare; qua autem ratione tanto cum impetu, tantâ cum violentia aër irrumpat, diversæ diversorum authorum sunt sententiæ. Alii fictitio horri vacui & attractioni nescio cui imaginariæ id tribuunt; quæ ambo rejicienda non tam experimenta, quam ratio comprobat. Alii aërem pectus ambientem, ab eodem sese dilatante protrusum, proximum sibi propellere hunc demum alium protrudere existimant; & ita continuari propulsionem, ut aër tandem ori vicinior in pulmones impellatur.

tur. Patitur tamen & hæc opinio quasdam difficultates. Supponatur v. gr. ex mente quorundam vitri satis ampli collum tenue ori cujusdam inditum esse, dein, naribus strictim occlusis, aër è dicto vitro exhauriatur, quod quidem facile continget, si pectore dilatato inspiratio instituat. In hoc jam casu protrusio ista aëris à thorace usque ad pulmones ob vitri istius interpositionem continuari nequaquam potest. Revertitur tamen ab aliis subtiliorem quandam materiam vitrum isthoc permeare, aërem ibidem contentum dilatare, qui hinc in thoracem protrudatur. Objiciunt rursus, qui ergo fiat, quod animalcula recipienti Machinæ pnevmaticæ imposita extracto aëre crassiore brevi expirent, si particulæ materiæ subtilioris vitrum illud etiamnum pertranseant; sed respondetur rursus, quod ipsa illa ex aëre ambiente intrusa per vitrum materia subtilior penetrans ad aërem in corpore animalis latitantem ejusdem dilatationem & hincce dependentem compressionem vasorum sanguiferorum præsertim in pulmonibus occurrentium promovendo ad interitum animantium haud parum contribuat. Non adeo male videntur facere illi, qui ad varias in hoc negotio concurrentes causas respiciunt. Ubi primo loco occurrit aëris ipsius *GRAVITAS & PRESSIO ATMOSPHERÆ*: Nimirum cum propria jam gravitate præditus aër ob atmosphæræ, adde & ætheris ipsius superincumbentis pondus, res quasque sibi proximas for-

titer premar, prout Experimenta Boyliana aliorum-
que Virorum Illustrium extra dubium posuerunt;
sequitur aërem per nares & Tracheam usque ad
bronchia sive pulmonum ostia continuatum in
pulmones introitum moliri. Unde fit, ut, dum
latera thoracis interiora (quæ pulmones ab extra
comprimendo aëris istius pressioni resistebant) à
musculis pectoris dilatationi dicatis ex mente haud
paucorum Anatomicorum extrorsum trahuntur,
spatiumque in thorace ampliatur, aër iste bron-
chiorum ostiis proximè adjacens, obstaculo quovis
jam remoto, in pulmones eorumque cavitates ir-
ruat, easdemque inflando adimpleat. Neque etiam
prædictæ pulmonum inflationi eorum fabrica dis-
convenit, quippè quorum moles, ut à Clariss. D.^{no}
Malpigio annotatum est, membranis tenuissimis
conflatur, quæ infinitas pene vesiculas orbiculares
atque cellulas constituunt, quarum connexio inter
se talis est, ut ex trachea in earum proximas, atque
ab istis in alias aditus pateat. Vesiculis ergò hisce
ab aëre irruente inflatis, pulmonum molem intum-
escere necessum est.

§. VII.

VErum non tantum *AERIS* gravitas atmosphæræ-
que pressura, sed & ipsa *VIS AERIS ELASTICA*,
qua sese in immensum extendere conatur, pulmo-
nibus

nibus inflandis & inspirationi instituendæ inservire videtur, qua ratione *AEREM* naribus occlusis è vitro ori indito, in pulmones modo superius ostenso, irruere, aut etiam, animalculum in vitro rite clauso atque obturato inclusum respirare quadantenus posse asserunt; licet enim atmosphæræ pondus ob vitri interpositionem aërem in eodem contentum neutiquam premat, aut impellat, aër tamen iste ob vim, qua pollet, elasticam in pectus ampliat, pulmonesque animalis respirantis irruit, & irruendo inflat. Quamvis non negare velim, *CIRCUMPULSIONEM* istam, cujus superius mentionem injecimus, & hic allegari posse. Hanc autem vim *AERIS* elasticam ex eo oriri volunt, quod *AER* præsertim terræ vicinior, ab aëris ætherisque superincumbentis pondere comprimatur & in angustias cogatur: hinc enim fit, ut idem nunquam non se explicare conetur; haud secus ac vellus compressum, vi, qua idem constringebatur, sublata, motu quodam restitutionis se statim explicat expanditque, id quod hoc experimento satis noto confirmari ulterius potest: nempe si vesica, aëre prius ex eadem quo ad maximam partem expresso & affixa circa sphincterem ejus arctiori ligatura, in vitrum collocetur, ex quo aër postea exhauriatur, vesicam eam mox in tumorem assurgere, & admodum inflari, spectaculo utique haud injucundo videbimus. Nimirum aër quanquam tantillus in vesica ista inclusus, aëre externo (à cujus pressura in

idem spacium angustum redactus erat) sublato statim se expandit & vesicam inflat; imo nonnunquam eandem cum impetu perrumpit. Nec verò multum ab simili ritu pulmonum inflatio efficitur; Et enim quam primum thoracis latera (quæ pulmones comprimendo eos concidere faciunt) extrorsum ope musculorum uti putant trahuntur, aër ad fores pulmonum extans, sive ab atmosphæræ sive propria pressione, aut vi sua elastica in pulmones statim intruditur, eosdemque distendit. Hanc eandem pulmonum & inflationem & distensionem alio adhuc liceat illustrare exemplo: supponamus scilicet vesicam cavitati follis inclusam ejusdemque collum rostro follis sibi indito ita affixum ut aër rostro ei inflatus non nisi in vesicam dictam transire possit; Porro foramen illud quod in lateribus colli excinditur, non uti assolet, in inferiori lamina follis, sed in superiore jam, idque satis amplum excudatur; idemque vitro ope cæmenti idonei laminæ illi affixo, strictim obturetur, ut vesica intus inclusa per vitrum isthoc tanquam per fenestram conspici possit. His ita paratis, si follis iste aperiatur, illius laminas ab invicem diducendo, vesicam dictam intumescere, & in cavitatem follis ampliatam extendi percipies & quidem eadem planè ratione pulmonum inflatio in pectore dilatato efficitur; qua quidem in dilatatione pulmonum cellulæ aut vesiculæ comprimuntur, aërque comprimens sanguinis motum & fluiditatem promovet, sanguinem
exal-

exaltat, rarefacit atque alterat, vel in melius vel in pejus, in melius si aër salubris est, in pejus si malignus & qualitate contagiosa infectus, atque hoc modo in inspiratione aër dicendus vitæ & sanitatis moderator.

§. VIII.

ALteram nunc respirationis speciem, expirationem scilicet aggrediar, & quo modo in illa aër vitæ & sanitati dominetur, demonstrabo. Itaque dum dilatatus thoracis fornix cessante causarum dilatantium motu & actione sese in priorem restituit situm, sicque concidendo pulmonum lobos horumque cellulas & vesiculas comprimit & hoc eodem motu aërem in pulmonibus contentum exire &, ut ita dicam, expirare cogit. Hinc verisimile est in expiratione partes thoracis motu quodam restitutionis in situm naturalem sine multa musculorum ope redire. Costæ namque sine ulla fere opera iterum descendunt, ut in animali mortuo aut sceleto manifestum est. Concedo nihilominus facile ad expirationem, præsertim vero ad violentiorem, musculos abdominis etiam conducere; muscoli quippe oblique descendentes & ascendentes (quorum tendines costis inferioribus inferuntur) in contractione sua costas deorsum trahere, & pectus angustare comparent.

rent. Porro muscoli abdominis universi simul se contrahentes viscera sibi substrata premunt, ita ut ab illis compressis impellatur diaphragma & sursum in pectus cum impetu cogatur. Sicuti quilibet hoc in se deprehendere potest, in sternutatione, tussi, risu & violenta quaque expiratione, musculos abdominis se constringere & contrahere: hinc in risu & violentis expirationibus, ob convulsos musculos prædictos haud rarò dolent Hypochondria. Sed & hæc de expirationis negotio paucis dixisse sufficiat; restat ut investiem aëris in expiratione è pulmonibus egredientis usum in vitam & sanitatem hominis redundantem.

§. I X.

Certum & extra dubium esse arbitror, aërem è pulmonibus ita egredi, ut elasticam suam & activam sanguini substantiam quoad partem communicatam relinquat, quod docemur partim ex aëris explosi ineptitudine ad ulteriorem respirationem, inprimis si aliquoties viam hanc, nullo alio novo accedente aëre, legere in pulmones coactus fuit, partim verò ex sanguinis activitate & calore omninò mutato post attactum hujus fluidi externi. Sed rapit secum loco hujus deperditæ substantiæ explosus hic per asperam arteriam aër sub vaporum forma non parum aquositatis, quod vel ex halitu
tem-

tempore frigido visibiliter ex ore emisso vel etiam ex vaporibus hyemali tempore ad orbis vitreos fenestrarum coagulatis declarari potest *CONF. SANCTOR. in Med. Statica, aph. V. & IX.* Halitus à sanguinis æstu excitatos secum rapit ejectus aër, nec tamen ut antiquis placuit, fuliginibus è corde removendis, seu exhalationibus crassis per ejus calorem (aut juxta modernos quosdam per flammulam ipsius) excitatis infervit. Nam si omnia in corde ac in lampade, quæ spiritu vini accenso micat, se habeant, monente id *CHARLETON* *Exercitat. VIII. de Resp. §. 13.* Nullam planè opinor esse sperandam ex purissima ejusmodi flammula exhalationem fuliginosam; Non igitur exhalationes fuliginosas eliminat egrediens aër: quamvis, ut propriis utar *BOHNII* verbis, admittendum, aërem non tantum intra poros suos excrementitios sanguinis vapores per tracheam expulsos absorbere, sed & ex pulmonibus, dum expiratur, eosdem secum vehere, hinc circulationem sanguinis per horum secretionem forsitan notabiliter juvare, pari ratione ac venti detergendis & auferendis humiditatibus corporum quæ permeant & feriunt, his exsiccandis efficacissimi observantur; Nec negari potest, quod, sicut in inspiratione omnis generis effluvia, uti interdum contagiosa & morbosa, ita quoque salutaria & balsamica hauriuntur, sic in expiratione ope aëris expulsi halitus & effluvia varia cum morbosa, tum contagiosa è sanguinis massa seroque emittantur, quod quidem


humiditas, calor, odor, imò sæpè foëtor halituum istorum collectorum satis superque demonstrant. Ejectus porro in expiratione è pulmonibus aër vocem efformat, loquelam moderatur, atque ut brevitati studens reliquos præteream usus, tanta aëris tam inspirati quam expirati in sanitatem & vitam vis est, ut (quod jam supra monui) optime servetur

Mens sana in corpore sano.

§. X.

HIS pro tenuitate ingenii mei expositis facillimè quidem quilibet Æquus Lector judicabit, me non falso asseruisse *AEREM ESSE ET VITÆ ET SANITATIS MODERATOREM*, ad cujus vices & mutationes tanquam ad amussim vita hominis dirigitur atque sanitas, ad cujus temperiem temperatur, destruitur verò ad malignitatem. Potuissent utique omnia planius & uberius diduci, multa etiam superaddi. Verum enim verò scias Benev. Lect. me solummodo specimen aliquod qualescunque meorum profectuum & tenuis ingenii foëtum in lucem edere. Lubenter agnosco hanc, quam fugitivo exposui calamo, materiam dignam esse quæ à profundæ eruditionis Viris pertractaretur, adeoque me insignis redargui posse temeritatis. Ast cum in arduis & voluisse non displicere debeat, optima spectator neminem qualescunque conatus meos iniquè interpretaturum.

T A N T U M.



Du lehrst / Hoch - Edler Freund / daß durch die
Lufft das Leben

Und die Gesundheit werd regieret und gegeben /

Darzu ich schuldigst dann von Herzen gratulier.

Der Pöbel hält die Lufft vor nichts sonst und
dergleichen

Doch Deine Feder macht den Aberglauben
weichen /

Und hört der Umstand es in dem Discurs von
dir.

Ich wünsch / Geehrtster Fels / daß durch die
danckbar Erde

Dein schöner Lufft - Verstand einst mild vergolten
werde /

So bild ich mir und denck ein jeder stimm
mit ein

Daß man mit Ruhm und wohl könn ein
Lufftschlucker seyn.

Mit diesen wenigen Zeilen wolte
und solte dem H E R R E N
RESPONDENTEN als seinem
wertheften Freund seine schul-
ste Gratulation ablegen.

*

*

*



SOL ex astringero rutilans ut prodit
Olympo,

Ars ex ingenio sic nitet alma Tuo.
Ut vim solarem radii testantur acuti,
Virtutem ingenii sic tua penna pro-
bat.

Ut Sol absque pari reliquis præstantior
astris,


Sic inter similes nescis, Amice,
parem.

Hæc sunt ecce mei munuscula vilia
censûs,

Non quæ sint, sed quâ, suspice,
mente dedi.

*Sic alludit PRÆNOBILI atq̃
DOCTISSIMO Dno DEFEN-
DENTI honoris & amoris
gratia*

F. G. Wolff. M. C.



A *Rtis Apollineæ* vix ostia **FAUTOR**
adisti

Et jam tale struis dexteritatis opus !
Ergone supremos in quavis scandere curas
Arte gradus ? quovis doctior esse cupis ?
Ingenio subtilis eras dùm scripta sophorū
Legisti intrepida mente, labore pio :
Hinc **DOCTORALI** merito tibi
corpus **AMICTU**

Indutum, ut meliùs sic videare
SOPHOS :


Insuper & digitum circumdedit **AN-**
NULUS AURI

Ut **SPONSUS** fieres *Artis Apollineæ* ;
In quâ, sic pergens, pariter Doctoris
honores

SCANDES ; hoc præstet **NUMI-**
NIS ALMA MANUS.

Ita vovet **AUTHORI NOBI-**
LISSIMO atq; AMICO SUO
MULTUM COLENDO.

B. Fr. Gratélop. Med. Stud.



Πάντοτε ὅτι σοφὰς ἐφίλεις, Φίλε Τίμιε,
Μέσας,

Γράμματα ὅτι Σέθεν παιδικὰ μὲν ἔην.
Ἐν Σοφίᾳ Σέθεν Κλέος ἀθάνατον, καὶ ἐκάσῳ
Φαίνει, Ἀκεσοείης, ἔξοχα, δεῖγμα παρόν.
Ἐν ᾧ τῆς φύσεως ἰχὺν, σύνεσιν τε καὶ ἄδδην
Τῆς Σέθεν σπυρδῆς δείκνυς ἅπαντι ἄλλῃς.
Ἐγὼ καὶ ἔση πολλῶν ἀνιάξιος ἄλλων,
Ἄξια ἦδ' οἶσει Πάλλας ἔπαθλα Θεῖν.

Hoc rudi penicillo delineato Tetrasticho
PRÆNOBILI ac DOCTISSIMO Dno
AUTHORI AMICO SUO SINGULARI
ὁλοψύχως gratulatur.

J. W. H.